

ზუგდიდის მუნიციპალიტეტი
სახელმწიფო შესყიდვების განხორციელებასთან დაკავშირებით შექმნილი
სატენდერო კომისიის სხდომის

ოქმი №2

02 დეკემბერი, 2016 წელი
ქ. ზუგდიდი (რუსთაველის ქ. №90)

სხდომას ესწრებოდნენ:

სატენდერო კომისიის თავმჯდომარე

ლაშა გოგია – ზუგდიდის მუნიციპალიტეტის გამგებელი;

სატენდერო კომისიის წევრები

მამუკა წოწერია – ზუგდიდის მუნიციპალიტეტის გამგებლის პირველი მოადგილე;

თენგიზ შანავა – ადმინისტრაციული სამსახურის უფროსი;

ნანი მიქენაია – საფინანსო-საბიუჯეტო სამსახურის უფროსი;

თენგიზ ქობალია – ინფრასტრუქტურის, ურბანული განვითარებისა და არქიტექტურის სამსახურის უფროსი;

რუსლან კილასონია – ეკონომიკური განვითარებისა და პროგრამების მართვის სამსახურის უფროსი;

ლაშა ჯაიანი – მშენებლობის სამსახურის უფროსი;

სატენდერო კომისიის აპარატის წევრები

ბესიკ ქარდავა – საფინანსო-საბიუჯეტო სამსახურის შესყიდვების განყოფილების უფროსი;

აქსანა გუჩუა – იურიდიული განყოფილების მთავარი სპეციალისტი.

სხდომის უფლებამოსილება განისაზღვრა კომისიის ყველა წევრის დასწრებით.

სხდომის დღის წესრიგი:

ზუგდიდის მუნიციპალიტეტის ნარაზენის ადმინისტრაციულ ერთეულში აღმაშენებლის ქუჩის გარე განათების მოწყობის სამუშაოებისათვის საპროექტო-სახარჯთაღრიცხვო დოკუმენტაციის შედგენის მომსახურების სახელმწიფო შესყიდვაზე 2016 წლის 30 ნოემბერს გამოცხადებული გამარტივებული ელექტრონული ტენდერის (სატენდერო განცხადების ნომერი: SPA160029562) სატენდერო დოკუმენტაციაში ცვლილებებისა და დამატებების შეტანის შესახებ საკითხის განხილვა.

მოისმინეს: სატენდერო კომისიის აპარატის წევრის (ბ. ქარდავას) ინფორმაცია სხდომის დღის წესრიგის შესახებ. მომხსენებელმა წარმოადგინა მშენებლობის სამსახურის უფროსის – ლ. ჯაიანის 2016 წლის 2 დეკემბრის №4640-02 წერილი.

აპარატის წევრმა, სატენდერო კომისიას, გააცნო წერილის შინაარსი, რომელიც ეხება ზუგდიდის მუნიციპალიტეტის რუხის ადმინისტრაციულ ერთეულში ზაურ თოდუას ქუჩის გარე განათების მოწყობის სამუშაოების პროექტირებაზე ტენდერის გამოცხადებას და აღნიშნულთან დაკავშირებით შესაბამისი ღონისძიებების განხორციელებას. შესყიდვის სავარაუდო ღირებულებად მითითებულია 800 ლარი.

სხდომის მსვლელობა: სხდომაში მონაწილე კომისიის წევრებმა განიხილეს წარმოდგენილი წერილი, ასევე, მოისმინეს მშენებლობის სამსახურის უფროსის, ასევე ეკონომიკური განვითარებისა და პროგრამების მართვის სამსახურის უფროსის განმარტებები.

კომისიამ მიზანშეწონილად მიიჩნია სატენდერო დოკუმენტაციაში რუხის ადმინისტრაციული ერთეულში, ზაურ თოდუას ქუჩის, გარე განათების პროექტირების დამატება და შესყიდვის სავარაუდო ღირებულებაში ცვლილების შეტანა.

კომისიამ გადაწყვიტა:


1. „სახელმწიფო შესყიდვების შესახებ“ საქართველოს კანონის მე-12¹ მუხლის მე-9 პუნქტისა და სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-9 მუხლის მე-2 პუნქტის შესაბამისად, შეიცვალოს 2016 წლის 30 ნოემბერს გამოცხადებულ გამარტივებულ ელექტრონულ ტენდერის (სატენდერო განცხადების ნომერი

- SPA160029562) ჩატარების შესახებ განცხადებაში მითითებული შესყიდვის ობიექტის სავარაუდო ღირებულება და ნაცვლად 360 ლარისა განისაზღვროს 1160 ლარით (დღგ-ს გათვალისწინებით).
2. ზემოაღნიშნული კანონის მე-12¹ მუხლის მე-9 პუნქტისა და წესის მე-9 მუხლის მე-2 პუნქტის თანახმად, განხორციელდეს ცვლილება მოცემული ტენდერის სატენდერო დოკუმენტაციაში და ჩამოყალიბდეს თანდართული რედაქციით.



დაევალოს სატენდერო კომისიის აპარატს:

- გაატაროს შესაბამისი ღონისძიებები მიმდინარე ტენდერის სატენდერო განცხადებაში მითითებული შესყიდვის სავარაუდო ღირებულების კორექტირების შესახებ.
- უზრუნველყოს დაზუსტებული სატენდერო დოკუმენტაციისა და წინამდებარე ოქმის სახელმწიფო შესყიდვების ერთიან ელექტრონულ სისტემაში განთავსება.

კომისიის წევრები:

- | | | | | | | |
|----|---|--------------|----------------|----|--|---------------|
| 1. |  | ლ. გოგია | (თავმჯდომარე). | 5. |  | თ. ქობალია. |
| 2. |  | მ. წოწერია. | | 6. |  | რ. კილასონია. |
| 3. |  | თ. შანავა. | | 7. |  | ლ. ჯიანი. |
| 4. |  | ნ. მიქენაია. | | | | |

კომისიის აპარატის წევრები:

- | | | |
|----|---|-------------|
| 1. |  | ბ. ქარდავა. |
| 2. |  | ა. გურუა. |